



CONVENIO DE COLABORACIÓN PARA A INCORPORACIÓN DO CONSELLO GALEGO DE RELACIÓNS LABORAIS AO CONTRATO CENTRALIZADO PARA O SERVIZO DE VIXILANCIA E SEGURIDADE DOS EDIFICIOS ADMINISTRATIVOS DA XUNTA DE GALICIA

En Santiago de Compostela, a 04 de xuño de 2018

REUNIDOS:

Dunha parte, don Alfonso Rueda Valenzuela, vicepresidente e conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

Doutra parte, dona Verónica Martínez Barbero, Presidenta do Consello Galego de Relacións Laborais, nomeada polo decreto 54/2017, do 8 de xuño (DOG núm. 109, do 9/06/2017), actuando en nome e representación do Consello Galego de Relacións Laborais, en virtude das facultades que lle confire a Lei 5/2008, do 23 de maio, reguladora do Consello Galego de Relacións Laborais (DOG nº 112 do 11 de xuño de 2008).

Ámbalas dúas partes recoñécense competencia e capacidade, respectivamente, para formalizar o presente convenio de adhesión ao contrato centralizado para o servizo de vixilancia e seguridade dos edificios administrativos da Xunta de Galicia.

En virtude do anterior,

EXPOÑEN

- I. O artigo 20.2 da Lei 14/2013, do 26 de decembro, sinala que o Consello da Xunta creará unha comisión interdepartamental que determinará, no ámbito da Administración Xeral da Comunidade Autónoma e do seu sector público, as subministracións, obras, servizos e calquera outra prestación que, polo seu carácter común, se poidan contratar de forma xeral e con características esencialmente homoxéneas para os diferentes órganos e organismos.
- II. O Consello da Xunta celebrado o 20 de febreiro de 2014, acordou a creación dunha comisión interdepartamental que, entre as súas funcións, asumiu elaborar a proposta deste catálogo único, que integre os de todos os órganos da administración xeral e do sector público autonómico.
- III. O Consello da Xunta celebrado o 18 de setembro de 2014 acordou a aprobación do catálogo de medios e prestacións que serán susceptibles de contratación centralizada.



IV. O anexo II do citado acordo sinala como prestación susceptible de contratación centralizada o servizo de vixilancia e seguridade e sinala como departamento encargado da contratación a Vicepresidencia e Consellería de Presidencia, Administracións Públicas e Xustiza.

V. O artigo 20.5 da Lei 14/2013, do 26 de decembro, establece que as entidades locais, universidades e os restantes entes, organismos e entidades do sector público poderán adherirse ao sistema autonómico de prestacións homologadas de contratación centralizada mediante os oportunos convenios de colaboración.

No mesmo senso, o artigo 205.3 do Real Decreto Legislativo 3/2011, do 14 de novembro, polo que se aproba o Texto Refundido da Lei de Contratos do Sector Público, contempla a posibilidade de que as entidades do sector público se adhiran aos sistemas de contratación centralizada establecidos polas Comunidades Autónomas mediante a formalización do correspondente acordo.

VI. Esta adhesión realízase, previa solicitude da entidade interesada, mediante a suscripción do presente convenio pola persoa titular da Vicepresidencia e Consellería de Presidencia, Administracións Públicas e Xustiza, actuando en nome e representación da Xunta de Galicia, en virtude artigo 34 da Lei 1/1983, de 22 de febreiro, reguladora da Xunta e da súa Presidencia, e co disposto no Decreto 148/2016, do 13 de novembro, polo que se nomean os titulares dos departamentos da Xunta de Galicia, polo que se nomean os titulares dos Departamentos da Xunta de Galicia e a persoa designada polo Consello Galego de Relacións Laborais, con capacidade de representación e capacidade aos efectos do cumprimento do presente convenio.

VII. Tendo en conta as vantaxes asociadas á incorporación a un sistema de contratación centralizada (obtención de economías de escala e redución de custes administrativos, fundamentalmente) o Consello Galego de Relacións Laborais solicitou a súa adhesión á contratación centralizada nos termos que se establecen no presente convenio.

En consecuencia, as persoas asinantes acordan subscribir o presente convenio de adhesión de conformidade ás seguintes

CLÁUSULAS

I. OBXECTO

O presente convenio ten por obxecto establecer as bases e condicións mediante as que o Consello Galego de Relacións Laborais se incorpora ao contrato centralizado para o servizo de vixilancia e seguridade dos edificios administrativos da Xunta de Galicia formalizado o día 28 de febreiro de 2018.



II. DESENVOLVEMENTO DA COLABORACIÓN ENTRE AS PARTES

II.1. Obrigas da Vicepresidencia e Consellería de Presidencia, Administracións Públicas e Xustiza

A Vicepresidencia e Consellería de Presidencia, Administracións Públicas e Xustiza manterá informada ao Consello Galego de Relacións Laborais das adxudicacións realizadas, así como dos termos subscritos coas empresas adxudicatarias.

A información a que se refire o apartado anterior será subministrada aos órganos que indique o Consello Galego de Relacións Laborais, especificando o seu enderezo electrónico.

II.2. Obrigas do Consello Galego de Relacións Laborais

II.2.1. No caso de ser necesario, o Consello Galego de Relacións Laborais poderá manter unha relación directa coa empresa adxudicataria do servizo con respecto a operativa de prestación do servizo. O Consello Galego de Relacións Laborais deberá poñer en coñecemento da Vicepresidencia e Consellería de Presidencia, Administracións Públicas e Xustiza os defectos na prestación do servizo para a adopción das medidas oportunas.

II.2.2. Cumprir con todas as obrigas e condicións establecidas no contrato centralizado.

II.2.3. Ingresar na conta aberta a nome do Tesouro da Xunta de Galicia, os importes que lle correspondan para o financiamento dos contratos de acordo co coeficiente de participación determinado en función da superficie que ocupan que lle será comunicado pola Vicepresidencia e Consellería de Presidencia, Administracións Públicas e Xustiza ao comezo de cada exercicio.

III. COMISION DE SEGUIMIENTO

Para facilitar o seguimento e cumprimento do convenio, constituirase unha Comisión Mixta, integrada por dous representantes de cada unha das partes asinantes do Convenio.

A Comisión poderá ditar as súas propias normas de funcionamento, debéndose reunir cando así o solicite algunha das partes. As súas funcións serán:

- Proposta, de ser o caso, de adendas.
- Coordinación das funcións de ambas as dúas partes asinantes do convenio.
- Calquera outras relacionadas co desenvolvemento deste convenio.

IV. VIXENCIA

A adhesión surtirá efectos desde o día seguinte á data da firma do presente convenio e manterá a súa vixencia ata o 31 de agosto de 2019, data en que finaliza a vixencia do contrato centralizado de vixilancia e seguridade dos edificios



administrativos da Xunta de Galicia, sen prexuízo da posibilidade de prorrogalo polo tempo que as partes estimen conveniente.

Non obstante, será causa de resolución o mutuo acordo de ambas partes ou o incumprimento grave das obrigas sinaladas neste convenio por algunha das partes

V. RESOLUCIÓN DE LITIXIOS

A resolución de controversias e conflitos que se poidan formular sobre a interpretación e execución do presente convenio de adhesión deberán resolverse de mutuo acordo das partes, no seno da Comisión mixta de seguimento. Se non puideran alcanzar dito acordo, as posibles controversias deberán ser resoltas tal e como dispón o artigo 44 de Lei 29/1998, do 13 de xullo, reguladora da xurisdición contencioso-administrativa.

E, en proba de conformidade o asinan por duplicado exemplar, os intervintes no lugar e data sinalados no encabezamento.

O vicepresidente e conselleiro de Presidencia
Administración Públicas e Xustiza

A presidenta do Consello
Galego de Relacións Laborais

Alfonso Rueda Valenzuela

Verónica Martínez Barbero